

Riama raa kai jenua uai

Cómo buscamos las cosas del blanco

Blas Candre (BC)

Adofiki (Cordillera), río Igarapará, septiembre 2, 1992

Daaje mei ua rafue yoina.	BC
Ie afenori kai ua uafuena ite raa, uafue riama dibenemo ba kai jenoka.	BC
Nii uafuena itino bie mei ba daizaina izoi mei kai jetakana kai atika, finokana kai atika.	BC
Afe izoikana itifue mei kaieñede.	BC
Iadi biberuiyaido mei ja jitairede.	BC
Ie jira nii ua komuidikai dainano, bie ua kai be iya namaki iena iitino.	BC
Jae mei bie izoikana inedikai daani kai ua kai iya izoi itikai.	BC
Ie mei biberuiyaido ja mei bie izoikana ua daakina gaijidikai, idi daakina gaijia emodomo daajemo mameki otikai, imaki nairaidikai daina.	BC
Dainanori bie izoikano ite, uafuena itino riamamo ja jenodikai.	BC
Ie jira afeno fakaka fia nano uaina ite.	BC
Ie jira nabefuena bie diona uai jibina uai koni feirikaiyano afekoni ua	BC

jenoka, mamenoga.

Ie jira afenori mei ñi baie uafuena
itino mei yoyona, ie jira riamamo ite
ñuera rafue, ñuera raa, bie izoikana
fui mei kai komuidikai kai daina.

BC

Ñi uafuena itifue raana mei
mamedikai bie, raana ua okana
uitikai, afegobe ua fakadikai, afeno
ua nikidota mei ja kai oga, uafuena
itino raana ite mei.

BC

Iena fui kai nabaitiai biekoni ua
namakidikai daide, ua komogima
ñuefuena kai fienokaiyena.

BC

Afenori aferi feeirikaiyano fui bai
batinomo kai uiekomo iyainina
imaki iyena, kai uiekomo urirainina
imaki iyena, birui mei kai.

BC

Ie jira bie uafuena itino mei riamamo
dibenedo jenoka.

BC

Afenori ua mei feeizite, kaie iadedi
jira ua eroidikaimo mei feeioikaide.

BC

Ua kai ua jaeide uzutiai namaki ua
uriyafue rafuena ite, taijiefuena ite,
ñuefuena itino, fia kai komekimo ite.

BC

Ie jira nabefuedo bibenedo mei kai
jenoka.

BC

Ie jira kaimo mei fia uai iya, fia
komeki, yetarafue iya, taijie uai iya.

BC

Ie mei bie mei riamamo ite, riamamo
afeno iya jira, riamamo komeki
faitikai.

BC

Ie abina mei uafue, uafuena ite.

BC

Ie jira mei bie izoide arera ua bie
rafue ua feeineite, benomona oni ua
bai moonaikana jaaite.

BC

Ie jira afe izoikana ite bie ñuera
riama raa ua jiyaki mei tainedikai,
komo fueine.

BC

Ie afenori mei bie izoide.	BC
Bie mei daiyinoi kokoiena inede.	BC
Ja bifokoni kai imakidikai daina, idi mamekina itikai aiyomakidikai.	BC
Ie afenori buu jaka mei afeieri yikitainede.	BC
Nii jae o ua yoganona itino.	BC
daani ua imaki abi iena itemo eroide, daani ua kaimare guitimaki, kaimare ua inidimaki.	BC
Iadedi bie nana ua mei nuera rafue, nuera uaiza, nuera raana, nana bifokoni mamekina otikai.	BC
Imaki uruai iena ite, kai uruai iena ite, nana kaiena ite.	BC
Bibenori daani bie ua o eikomedio komeki ua mairiekina ite, uaina ite, iekoni feeirikaiyano mei bie riama raa uafuena ite, finokana, nikidokana, jenokana fii uitikai.	BC
Dinomo bie izoikana ite mei kai jenoka, fui baina raana ite, uafuena ite, afedo feeirikaiyano ua kai meifene bitino yofueyena mei ite.	BC
Ie jira afeno mei ja uafuena ite riama uai mei ja kai oga.	BC
Afe io jiai ja kai baiga, afeno ja ua kai kiona.	BC
Daaje kai kominidikai ua ba taijiena itinona ite izoide.	BC
Bie izoikana ite dibenemo bie mei ua kai finoka rafue mei atika, ie jira ua ba kome ¿mei kome?.	BC
Diona jibina daide, juzitofe daide, farekatofe daide, riaroki daide, jira afe uai ba feeide, fiebiye izoide, kioide, feeinede, fiebinede, ite.	BC
Ie jira afe izoikana ite afeno fui	BC

komogimamo yoyena.

Mei baie izoikana riama uafuena ite
raa kai jenua yezika, diga iona
kiodikai, diga ua uaina kakadikai,
diga ebirede raa ua bai bite.

BC

Ie kigimo bie izoikana itifue jiai ite.

BC

Akie izoikana ite kaimaki.

BC

Ebe uruiaidiomoi fui bai batinomo ja
iimana omoi iye yezika jae bie
izoikana itino kai jenua fakai baie
izoikana itena kiodikue, daiiyifuena
ja mei ite.

BC

Ie bie riama raa ñuera, nana daidikai,
iadedi afeno mei imaki reei ite.

BC

Dinokoni kai erokaiya yezika ja kai
komeki bie ua ie neemei kaie,
neemei uafue kai daina, jaka ja
onoiñega.

BC

Ie fakai kai komedikai biki komeki
iadedi, diona uai iadedi; mei
fakañega ua jazikina ite.

BC

Ie izoikana iya jira fui bai batinomo
aki daii ite, uruai daiiyena.

BC

Jae ba nino yotio mei
rairuiñedimiemo ite ua
zefuireñedimiemo ite, daina izoide,
bie daaje jiai ua izoide.

BC

Ua nibai uafuena ja iteita ñeiri,
komena daiitade.

BC

Ie izoikana ite bie riama raa, ñuera
raa kai daina, ñuera uai, daaje jaka
izoide.

BC

Dinori jae ua jiaie namaki
fakadimaki iadedi jaka bie izoikana
itino, nii taijiena itino mei fñoñega,
nii taijiena itino bie mei taijiena iya.

BC

Benomo ua juzitofe faitana iñede,
diona jooniana iñede, jiiibidozi
faitana iñede, bie izoi ua iñuamo ite,

BC

bie izoi jeeiamo ite.

Mei kai diona iena kai jenoka, kai
jiibina iena kai jenoka, jai juzitofe
iena kai jenoka, kai riaroki, niie mei
bie kai nabaitiai iya, afemaki iena
kai jenoka.

BC

Ie jira afenori afe uaido mei afe
komekido ua bie kai nitaokaiya, kai
kakaredoia, kai uiadedi mei figura.

BC

Ie meinokoni ua fia ua ja daiitana
jira ja ua oga daina jira ua fia jifanua
izoi bai ba uigania fienide,
¿buumona fienide?, kaimona.

BC

Jae mei aki daii kai biñedikai, ie mei
biberuiyaido ja birui mei jitairede,
jitaiyano mei uafuena ite, riama raa
ua naamataja izoi naamatadikai, ja
mei bie kaie.

BC

Ie jira mei daani kaie fia ñue ua
finokana uiga, junakana uiga, ua
riiziyena, nijiyena, idaaní aki daii kai
finoa, fui baina ñue mei fuite.

BC

Arera uai, arera taijiena ite.

BC

Ie izoikana kai iya fakai kai iyano
onoñede, mei kome damade
aiyomakidikai ia, jira afeno ja
fakaka, jira meine abido dane
meiñoga.

BC

Ie jira bie mei nii taijiena ite mei
moo kai yoga ja mei fui bai
batinomo uruiaimo yoyifuena ite.

BC

Aki daii bie riama raa kai jenua,
ñuera raa kai daina, kai finoka, kai
atika, ie yoyodikai.

BC

Aki daii ite.

BC